



Broj: 05/03-04-2435-36/23 - 98  
Sarajevo, 03.05.2023. godine

KANTON SARAJEVO  
SKUPŠTINA KANTONA SARAJEVO

n/r Predsjedavajućeg Skupštine

**PREDMET:** Odgovor na zastupničko pitanje zastupnice Danijele Kristić - dostavlja se

Dana 11.04.2023. godine Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo zaprimilo je od strane Skupštine Kantona Sarajevo zastupničko pitanje. uvažene zastupnice Danijele Kristić. u okviru treće radne sjednice od 04.04.2023. godine, a u skladu sa članom 211., 213. i 214. Poslovnika Skupštine Kantona Sarajevo .

Zastupničko pitanje glasi:

“Naredbom o sigurnosti liftova (“Službeni glasnik BiH broj 99/12, u članu 24. stav 2. regulisano je “Vlasnik je dužan osigurati Redovni tehnički pregled lifta”, a u stavu (1) istog člana “redovni tehnički pregled lifta mora se obaviti najmanje jedanput godišnje”.

Da li postoji zakonska prepreka da redovni godišnji tehnički pregled liftova u Kantonu Sarajevo pada na teret budžeta Kantona Sarajevo. a ne vlasnika. jer plaćanje ove dažbine, uz redovno mjesečno plaćanje održavanja lifta enormno opterećuje račun etažnih vlasnika?

## ODGOVOR

Po naprijed navedenom zastupničkom pitanju Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo dostavlja odgovor kako slijedi:

Ne postoji "Pravni osnov", niti u budžetu planirana i obezbjeđena sredstva da Kanton Sarajevo plaća troškove redovnog tehničkog pregleda liftova koji su privatno vlasništvo etažnih vlasnika u objektima kolektivnog stanovanja u Kantonu Sarajevo.

Na osnovu usvojenog Programa rada Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo za 2023. godinu, a u okviru aktivnosti Ministarstva, koje se odnose na izvršenje po Kapitalnim transferima, planirane su

obaveze po stavci YAU 024 061F "Stambeni razvoj - Sistematska sanacija objekata oštećenih ratnim dejstvima", u okviru koje je predviđena sanacija liftova.

Vlada Kantona Sarajevo je u 2019. godini usvojila Registar objekata kolektivnog stanovanja oštećenih usljed ratnih dejstava Kantona Sarajevo, koji je sačinjen na osnovu podataka dobijenih od strane svih Općina i svih upravnika na području Kantona Sarajevo, u kojem se nalaze objekti sa ratom oštećenim zajedničkim dijelovima zgrade, liftovima.

Ministarstvo je nakon zaprimanja novih podataka od strane Općina i upravnika sačinilo Dopunu Registra objekata oštećenih usljed ratnih dejstava, koji je u 2021. godini usvojila Vlada Kantona Sarajevo.

**PRAVNI OSNOV** - Odluka Vlade Kantona Sarajevo o Izradi registra objekata kolektivnog stanovanja oštećenih usljed ratnih dejstava u Kantonu Sarajevo ("Službene novine Kantona Sarajevo" br.12/19).

Budžetom Kantona Sarajevo u 2023. godini u Ministarstvu komunalne privrede, infrastrukture, prostornog uređenja, građenja i zaštite okoliša je planirana stavka YAU 024 061F "Stambeni razvoj - Sistematska sanacija objekata oštećenih ratnim dejstvima", što uključuje liftove.

S poštovanjem.

DOSTAVITI:

- ① Predsjedavajući Skupštine Kantona Sarajevo
2. Služba za skupštinske poslove + CD
3. Sekretar Vlade Kantona Sarajevo
4. a/a

